

重修四川通志

卷三十四

四川通志卷三十四

輿地志

三十三

祠廟

粵稽禮經所載天子祭天下名山大川懷柔百

咸秩無文諸侯祭其疆內名山大川或爲壇壝或

建祠宇丹楹刻桷像設崇嚴所以崇德報功妥

神靈也蜀之專祠江濱爲大漢郊祀志云白華以

西名山七名川四而岷山江水居其大焉我

國家至治馨香格于上下百神受職萬福來同凡

四庫全書
卷三十四
朝廷有大典禮特遣官祭告江瀆之神廟貌巍巍儀文
祇肅顯明昭式嘉徵鬯矣至于先聖先賢及忠孝
節烈之倫凡有功德于民列在祀典者其祠宇亦
合有司隨時修治俾皆得所憑依神靈寢平鴻長
生豫有由然也唐志云蜀俗好事鬼神尤多忌諱
而冥羊馬行之祠于祭天平谷山大以對案百帳
盛朝弗尙故民神異業敬而于民列在人士亦可知明
禋昭格之大義矣

成都府

成都縣

華陽縣

俱附郭

文廟在府南

詳見學校祀典各州縣制同

崇聖祠在文廟東

名宦祠在文廟門東

鄉賢祠在文廟門西

忠義祠在明倫堂東

節孝祠在明倫堂西

關帝廟在府南淳化街

各州縣鄉鎮俱有之

社稷壇在城南附郭不置餘州縣制同

風雲雷雨山川壇在城南附郭不置餘州縣制同

先農壇在城東

國朝雍正六年建詳見祀典附郭不置餘州縣制同

江瀆廟在城內西南隅祀南瀆大江之神漢志秦并天下立江水祠

于蜀隋開皇二年建唐天寶六年重修
國朝康熙六年冬遣吏部左侍郎梁清寬致祭有

御製文巡撫張德地布政使郎廷相按察使李翀霄等捐金重修有刻

御製祭文碑二雍正三年
勅賜南瀆涵和大江之神碑一座碑文祭文均恭載卷首

附唐李景讓記戴禮有之曰五嶽視三公四瀆視諸侯古之禮于嶽瀆尚矣在昔夏后氏隨山濬川

以畫九州華陽黑水界我庸蜀劍閣之陽益部饒
焉岷山導江東別爲沱禹績也瀆者曰江曰河曰
淮曰濟導積石桐柏沅水凡四流皆發源注海者
也唐天寶六載開元神武皇帝加封南瀆爲廣源
公其三者亞焉瀟浦漓汗自峽奔荆且北且東百
川會同爰及吳楚萬里歸海永府怪神非江不安
水物族生非江不全海門二山逆我爲滄由岷激
洩遠邁無壅斯所謂祇上天而被下土南瀆之爲
大也壯矣開元皇帝古禮是式詔曰惟夏四月肇
辰迎氣太守其率祭官祀南瀆于益州設玉筐及
洗罇罍簋簠既舉羣初獻祝進神右跪揚我詞其
文曰維某年歲次月朔某甲子嗣天子遣某官某
昭告于南瀆大江惟神包總大川朝宗于海功昭
潤化德表靈長今因夏首用率常典敬以玉帛犧
牲粢盛庶品明薦于神尚饗至于今不衰詔之歲
歲直丁亥迨及戊寅當大中十二年合一百一十
有二歲越五月朔辛酉日甲戌臣景讓承聖敬文
思和武光孝皇帝詔自御史大夫檢校吏部尙書
祠廟

尹成都鎮蜀西川又五日戊寅復加檢校尙書右
僕射其他如故凡再命皆以兼御史大夫龍馬秋
七月庚午乘輅至止遂謁瀆廟惟神盛烈著金石
刻他所必見于斯闕耶惟神奉大禹之休得蠶萊
魚鳧望帝之勲開明之沒玉壘李冰之穿二江嘉
而保之沃此黎首水旱不作于今賴之赫哉成功
其可默耶乃作銘曰滔滔沱江發自岷山浪溢流
飛走峽之荆迨及吳楚百川以歸南北東西萬里
湯湯電激雷馳水府神宅鮫人陽侯世不可窺南
瀆之功載王載張陰烈希夷上戴大禹丕承我唐
開元其期先王不容天絕劉宗匪瀆殆而洸洸孔
明鞠躬墮星匪瀆不悲念此下民于萬斯年九穀
豐滋我來守土敬揚神休以琢豐碑采蘇德祥記
五行迭用水實居多四瀆朝宗江惟其長八卦之
畫也坎之爻冥契北方之數水實主之二儀之判
也岷之山騰爲東井之精江實出之惟堯之世斯
水未治遂有民墊之虞以嗟方割惟禹之興斯江
旣道故有納錫之故以示成功其利萬物也大不

可極深不可測而靈潤之功著焉其納百川也則
察之無象尋之無邊而靈長之德昭焉昔者三國
連衡吳人擅命六朝割據陳氏稱雄及晉祚之隆
也下樓船于玉壘隋基之盛也進戈甲于金陵降
孫皓則濟爲安流擒叔寶則寂無駭浪得非有道
則應無道則否威靈不昧肸蠁斯在若乃方軌十
二惟帝之都邑勝兵百萬惟帝之爪牙非富庶無
以示國威非漕運無以資邦計語其順流而下委
輸之利通西蜀之寶貨傳南土之泉穀建帆高挂
則動越萬艘連檣直進則倏踰千里爲富國之資
助經邦之畧此又妙不可盡之于言事不可窮之
于筆也當隋之開皇二年文帝以沈祭之缺禮乃
營之以以廟貌唐之天寶六載元宗以廣源之美號
授之以以公爵而自梁室暴興蜀人僭命王氏則起
之于前孟氏則繼之于後或征或戰越四五朝稱
帝稱王垂七十載化風久隔祠典莫修應天廣運
聖文神武明道至仁孝皇帝握乾樞而御極弔坤
維而問罪聊施良策纔舉偏師未越六旬已平三

蜀旣而王道坦泰階平四夷八蠻有跋扈者盡爲
臣妾矣名山大川有隔越者盡入提封矣爰伸昭
謝用酬靈貺乃下明詔徧立嚴祠有司承制繪樣
于素頒之于所部長吏祇命官歲其事取之于大
壯土木盡其妙丹雘窮其華僞功斯畢列狀以聞
我其潔籩豆馨黍稷永享神以明德神其助造化
和陰陽潛作我之治世式單睿旨俾建豐碑臣敢
頌皇猷刊之翠石豈比夫沈于江底杜元凱惟尙
功名賦彼江流郭景純但矜詞藻而已哉銘曰江
之源兮出蜀之界江之流兮歷吳而大利萬物干
南方納百川而東會嗟乎盜發于唐兵起于梁神
之祀兮久廢蒸嘗美哉我宋之昌彼蜀之亡神之
廟兮復構棟梁我其享神以蠲潔神其佑我以豐
穰勒銘垂裕休與無疆陸游碑記自古水上之功
莫先乎禹紀其事莫備乎禹貢之篇禹貢之所載
莫詳乎江漢曰嶓冢導漾東流爲漢又曰岷山導
江某嘗登嶓冢之山有泉涓涓出兩山間是爲漢
水之源事與經合及西遊岷山欲窮江源而不可

得蓋自蜀境之西大山廣谷豁舒起伏西南走蠻
夷中皆岷山也則江所從來尤荒遠難知而漢過
三滢至大別之麓亦卒附江以達於海故江爲四
瀆之首三代典祀秩視諸侯而楚大國亦以爲望
有事必禱祠焉可謂盛哉成都自唐有江瀆廟其
南臨江唐末節度使高駢大城成都廟與江始隔
歷五代之亂淫昏割裂神弗受職廟亦不治宋興
乾德三年平蜀越八年當開寶六年有詔自京師
繪圖遣工修大廟制傑閣廣殿修廊邃宇聞于天
下慶歷七年故太師忠烈潞公以樞密直學士來
作牧則又築大堂並廟東南以爲徹祭飲福之所
而廟益宏麗矣厥後雖屢繕治有司不力寢以大
壞上漏旁穿風雨入屋支傾苴罅苟偷歲月淳熙
二年六月令尹敷文閣待制范公之始至也躬執
牲幣祇肅祀事旣退讀開寶中修廟碑惕然改容
曰此太祖皇帝之詔敢弗虔南出登堂見忠烈公
之識則又嘆曰潞國予自出也敢弗嗣始有葺廟
意矣會歲旱公潔齋以禱曰三日而雨且大治祠

字以報如期高下洽足歲以大穰公饒私餘蠻夷
順服乃自三年某月庀功訖四年五月廟成總其
費木以章計者八千一百二十有八竹以箇計者
四萬九千四百七十輒斲釘以枚計者十八萬七
千七百二十有四丹青黝堊以斤計者一萬八十
有七梓匠役徒以口計者二萬三千八百爲屋二
百有九閒牆六千八百七十尺廟之制度復還開
寶慶歷之盛而有加焉於是府之屬吏來請其刻
文麗牲之石且繫以詩詩曰井絡之躔下應岷山
蟠踞華夷江出其閒奔蹴三峽放于荆揚我考禹
跡九州茫茫千礎之宮肇自開寶吏靡嚴恭庭有
萑草范公來止事神是力廟未克成當食太息江
流東傾於海朝宗廟成公歸與江俱東壯哉湯湯
環我蜀城萬古不竭亦配公名明楊慎記天子卽
位懷柔百神南瀆獻官史臣慎作祠記明天子之
纘大統光有神器爲百神主嘉靖初元仲春吉日
乃肇修羣祀初筮于巳丑原筮于辛丑大昕具冕
服御正殿臚句傳遐致精神四馳上卿洎近臣徧

于嶽鎮海濱古帝先王先師皇祖諸陵命史臣慎
祀南瀆大江恭代鬯贊往監攸沈禮章有眎厥惟
多儀夏四月庚辰卜人練辰有司備物史臣展儀
肅將天祝幽贊于神明舉燿張樂三獻望燎已事
乃竣川靈答貺榮光休氣旭旭杲杲工祝拜手稽
首曰惟明天子不愛牲玉禮儀具備神降嘏福慎
曰是知天咫焉知民則福在和民和民在善政善
政明神依失政民罔依民曰罔依神亦罔依明神
失依淫祀其崇遠聰明醜正直求諸淫昏厲崇豐
昵非彝明神其吐之愠壬比周忠直其羞之世用
彫政用秕潤下反行罔象遂騰災沴重仍漂邑害
稼叢降戾于茲邦厥驗惟不遠今天子懋建鴻基
成民致神釐正祀典京邑首觀四方毀不經之廟
墮元明之宮淫祠攸屏秩祀孔明凶人黜伏俊良
交慶元元蚩蚩咸蠲胥感矧曰明神其有怨恫明
天子克享萬靈克和萬民惟明覘幽惟幽相明幽
明禮樂厥鑒無岐嗚呼休哉爾工祝何知祕祝于
祈年飾瑞于效珍實陋罔聞惟道洽德潤滌瑕蕩

穢澤流南紀永我皇仁無疆之休哉史臣頌烈敬

國朝

金僑記粵惟鴻濛爰闢天一生水江淮河源厥惟

水首其灌注百川澤潤萬物其功用與天地侔而

未能窺際其涯涘者歟論者謂河源自天必歸于

海惟海無源盈虛莫測迺神禹導江及淮而井絡

之區實爲橈車之所先則以江之源由于蜀故也

夫長江之勢千里一折百里一波險劃地軸名雄

天塹古誌之矣蜀隘區也萬山環合一綫通流派

而上之莫窮所自第見怒激奔騰至此而約束受

命未嘗有泛溢之虞觀其所以受之者焉及夫渡

三峽下夔門浩蕩汪洋奮迅萬里百折而必東識

朝宗之義觀其所以出之者焉噫惟神之功何其

偉歟是以古之王者受命必有事于四瀆而江其

首也曩者歲在丁未

聖天子

睠焉西顧遣少宰致祭大禮告成祀典用彰惟是

方承戡定之後祠宇傾廢未暇葺也今者中丞公

來撫是邦綱紀畢張廢墜漸興乃告于衆曰神爲

聖朝

四瀆之長有功于民祠不可以不肅盍新之于是
共相割俸鳩工祠以落成余顧而樂之執爵而言
曰吾聞境內山川諸侯之所主也敬神以勤民守
土之事也蜀雖富庶未徵而百堵于垣劬勞安宅
神所憑依將在是矣指山高與水清知
熙皞之風與茲江流同永覩安瀾者歎百神效靈
不從此仰見懷柔之化也耶自屬僚以及耄耄咸
謂茲言之有合于茲舉也爰錄以勒石采喻汝礪
詩坤軸東南傾大江日夜注前驅下洛沬餘濤畧
吳楚任勢不期勞得意緣所遇水也初無營神哉
亮誰主芳蘭沈清華碧藻舒翠縷晨鵲戲野岸春
鳧集深渚均是得所安而神豈私汝古來幾精魂
拾此迷所處淫遊不知還沙村失烟樹而我後千
載悠然在江漣抱嗇貴無競矜名思多取冥冥輦
岸風淫淫打船雨舞雪窺洪濤開萍渡前浦再拜
謝神貺聊復隨所任

國朝梁清寬詩江干遠祀答神功

聖

王新恩九域同已幸長波平巨浪寧忘徧野集飛鴻流

祠廟

成都府七

移望冷睂山月耕鑿思吹黍谷風疾苦殊方今尙
劇亟旌廉吏拯民恫

城隍廟在城東

各州縣俱有之附唐段全緯記陽之

于城城保于德德者神所憑依也則都邑之主其
城隍神之謂乎蜀地土惟塗泥古難版築至秦惠
王始命張儀與蜀守張若城成都其環十二里其
高七十丈解署廛里畫其下井榦樓櫓森乎上其
金椎初作壤頽莫就有太蔡周旋而行俾壘堵依
準而立卽今城也其神功乎由此而來乃庸洫崇
濬啟塞局固萬雉邐迤一都繁會神明支持金湯
繕完故前年蠻寇卒來戎備無素但擾郊鄙不近
閭闔閉關戎嚴卽時罷退則扶傾捍患之力其陰
靈幽贊之神乎前之舊祠寓託隈堞偏陋隘隘星
歲滋深是用改度方隅維新經構去乎幽奧就于
高明其日惟丙其辰惟已其卦值巽其宮在西揭
署于高明宏敞于正堂丹雘于周墉圖繪于迴廊
廟貌如生像容有睟神保是饗永安定位俾大農

無水旱人不夭札屏障蠻夷阜安閭里護乎封域
富庶乎億年爰書經營以昭祀事

厲壇在城北 各州縣俱有之

龍神祠在城東門內

國朝雍正六年建

文昌祠府城四隅俱有

各州縣多有之

東嶽廟在城內

各州縣多有之

國朝金雋記天下之能應順效靈為民禦災昇福者名

山大川也山川者天地之司牧也天之愛民甚矣

顧雨暘寒暑之失時豐歉旱潦之不齊天之權專

而難徧爰分其事于山川故天子祭五嶽四瀆所

以崇有功昭報典也又曰五嶽視三公四瀆視諸

侯是則山川之神五嶽稱尊五嶽之中泰岱為宗

祠廟 成都府八

夫岱處于東于行爲木于時爲春萬物之所托始也知所始者必知所歸故其權兆于有生之先而不可端測其祠徧海內與社稷並列互古而莫之廢惟神德象天地愚民稚子望之莫不肅然起敬凡吏于土者必以時致虔所以昭朝廷崇德報功之典也我朝定鼎懷柔百神及河喬嶽聲教四訖海澨山陬罔不率俾蜀都去京師萬里風雨時若民無天札是以知神之能奉職也無替命也顧草萊方闢百廢漸興而神廟未復何以爲萬姓祈福之地爰是捐俸鳩工逾年告成吁此邦之民其困已甚撫摩而噢咻之方兢兢未周之是懼神尙默維而陰相焉以相與有成庶幾康阜歌而熙皞臻也其余之志也夫

大禹廟在府東

舊志明萬歷間建

聖祖國朝康熙年間重修有
祖御書永奠大川匾額一在府東北名集聖宮中殿祀